

Gij Genyi Gvendaengz Ceiqdingh Aen Gveihva Haj Bi Daih Cibhaj Gozminz Ginghci Caeuq Sevei Fazcanj Cunghgung Cunghyangh

(ciep banj 7)

(41) **Doinyoengx fangzdicanj coh ndei hwnghfat.** Gyavaiq laebhwnj yiengh vunqsik moq hwnghfat fangzdicanj, laebndei gij cidu giekdaj guh ranzgai haifat、yungzsw、siugai daengj. Gaijndei gaiq hong gunghawj gij ranz bauj miz youq, hawj gyoengqvunz lingx cienzhong hawsingz caeuq gak loih ranzhoj miz ranzyouq. Yawj singz ok geiq lai gunghawj gij ranz guh gaijndei haenx. Hwnq gij “ranz ndei” ancienz cwxcaih loegsaek gvairach, hengzguh aen gunghcwnghz gaijndei ranzyouq caeuq yienghsaeh gaijndei gij fugsah vuzyez. Laebhwnj aen cidu ancienz guenjieix ranzyouq baenzciuh.

(42) **Gyavaiq hwnqguh aen Cungguk bouboux ndangcangq.** Saedhengz aen canloz boubvunz ndangcangq baiz youq baihgong, laebcaez gij diji aeu cwnghcwz cidu gikcoi ndangcangq, hawj yienghsaeh gyaegzuek veiswng lai ik ndangvunz, hawj vunzraeuz lai ndaej gyaeu youh ndangcangq. Gyaak bonjsaeh bae guh gunghgung veiswng, gyarengz hwnqguh aen diji fuengzre binghvanh, fuengzhaed gij binghlah hungnaek. Laebcaez gij gihei doxgap hwnghfat caeuq ceihleix yihliuz、yihbauj、yihyo, coi baenz faengaep yawjbingh ywbingh. Aeu guhbaenz goeng’ik guh dazyinx doiq yihiyeng goenglaeb gyalag gaijgwz benhci、gyaqcienz fugsah、cidu cienzhong、gyoebhab gamguen daengj, gyarengz baujjang gij yihliuz gihgou ndaw yienh、gihcwnghz haidou ywbingh. Gaijndei yihliuz gihgou goengnaengz dinghvi hawj baijbouh, hengzguh aen gunghcwnghz gyamaenh giekdaj yihliuz veiswng, lai guh yiengh bouboux baengh cinwngz ganq ndang guen ndang. Gyarengz gyoebhab fuengzre gaemhanh binghnyangq, lai guh yiengh fugsah fuengz yw ganq guen binghnyangq daengx diuz lienh guhcaez. Daj gak fuengmienh gyaak gij bonjsaeh gaen yw gouq gip、bauj miz lwed yung hawj caeuq wngqdoi yienghsaeh fwtfat. Gyaak gij bonjsaeh caeuq ganq ndei gij cozfung aen doih yihliuz veiswng. Doihawj cunghyihyo cienziep cauhamoq, lai hawj cunghyih sihyih dox giethab. Haeucoengh cau yw moq caeuq guh gaiqdawz ywbingh moq. Gyarengz guh yiengh ywbingh hawj vunz sim soeng uk swnh.

(43) **Coihawj vunzgyaeu gig ndei bae fatmaj.** Laebcaez aen diji fugsah vunzgyaeu goq daengz bouboux、guen daengz baenzciuh. Dazyinx vunz lai haengjheiq baenzgya senglw, gaijndei cwnghcwz caeuq banhfap bae haeucoengh aeulw senglw, fat ok gij rengz hangh cwnghcwz boujdiep ciengxlw caeuq dinggaeu goyinz sojdwzui, ndei hawj doengh ranz senglw ciengxlw sonlw de caencingq gyangq roengz cingzbonj. Laebndei aen cidu senglw baujiemj, doeksaed aen cidu senglw yietgyaj, hengzguh aen hengzdoengh gvansim boub ngamq mizndang、aen giva gyaak gij naengzlig raekciengx caeuq gij naengzlig fuengzre seng gij lwg maj mbouj caez. Haeujlaeg haiguh gij sawqdiemj boujdiep dakciengx, lai guh yiengh dakciengx ndeidoh caeuq yiengh dozwszoy youwzyenz doxcaez fugsah, cugbouh caezcienz gij cidu doxgven de. Lai guh gij fugsah hawj mehmbwk caeuq lwngyez ndangcangq. Lai rox wngqdoi boubgeq bienq lai, laebcaez gij gihei baengh cwnghcwz hawj aen saehnieb caeuq canjnieb ciengxlaux guhdoi hwnghfat. Engq ndei gunghawj yiengh fugsah ciengxlaux ceiq noix aeu bwhmiz de, caezcienz gij vangiloz fugsah ciengxlaux hawsingz lajmbanj, lai roengzrengz gaijcauh gij sezsih caezcaemh hab boubgeq yung hawj caeuq mbouj miz gitgaz haenx. Lai guh yiengh fugsah baujgen ganqciengx、ywbingh ciengxlaux dox giethab. Doihengz yiengh baujiemj ciengzgeiz hohleix, laebcaez aen diji ciuqgoq gij boubxlaux ndanggyad ukmwnh, gyalai gunghawj yiengh fugsah ganq boub dauqfuk cangqndei、ganq boub yaek gvaqsei. Onjdangq saedhengz cugciemh doilaeng aen bi’ndwen duiyouh fapdingh, cuengqsoeng gij cwnghcwz hanh nienzgeij couhnieb、hanh gyau sebauj daengj, lai yung boubgeq guhsaeh, hwnghfat yiengh ginghci boubgeq.

(44) **Onjbouh doicaenh yiengh fugsah caezcaemh ceiq noix bouboux doxdoengz.** Laebhwnj gij biucinj bingzgyaq yiengh fugsah caezcaemh ceiq noix bouboux doxdoengz, laebndei gij fanvez caeuq neiyungz yiengh fugsah caezcaemh ceiq noix, ceiqdingh gij moegbiu、roenloh、banhfap guh baenz yiengh fugsah caezcaemh ceiq noix bouboux doxdoengz, doinyoengx yiengh fugsah caezcaemh engq lai caem roengz gihcwnghz、cw daengz lajmbanj、ngeng coh diegrungh diegbien caeuq gyoengqvunz ranzhoj, laebcaez gij gihei boiqceiq yiengh swhyenz caezcaemh caeuq gij vunzgyaeu ciengzseiz capyouq doxngamj haenx. Gyarengz doengbuenz suenqveh gunghawj yiengh fugsah caezcaemh ceiq noix ndaw yienh, laebndei aen gihei ciengzgeiz mizyauq baujjang douzhaeu. Cienzmienh gyalag gaijgwz swyez danhvei.

Cibngeih、Gyavaiq Ginghci Sevei Fazcanj Cienj Baenz Yiengh Loegsaek Liuxcaez, Cauhlaeb Aen Cungguk Gyaunde

Loegsaek hwnghfat dwg guh gij yendaiva yiengh Cungguk aen daejaek ceiq singjda he. Laebmaenh caeuq hengzguh aen leixniemh raemx saw bya heu couh dwg bya gim bya ngaenz, aeu danqdaemxding danqcunghuz daeu dazyinx,

doengzseiz doihawj gyangq danq、gemj uq、dem loeg、demmaj, cukmaenh gaiqdang hawj swngldai ancienz, demrengz doinyoengx loegsaek hwnghfat.

(45) **Lienzdaemh haeujlaeg doihawj gaiq hong haenqrengz fuengzceih uqlah caeuq gaijndei swngldai hidungj.** Dawzdingh vanzging baujhoh vih beksingq, cienzmienh doeksaed cingcinj gohyoz ciuqfap ceih uq, engqgya yawjnaek ceihleix goekdaez, gyarengz gyonj guh gemj uq gyangq danq、gaemhanh lai cung huquqlah、ceihleix gvaengxdie, haeujlaeg hoenx ndei ciengz ciengq henhoh mbwn lamz、raemx saw、namh seuq. Gyavaiq doeksaed aen cidu gamguen gij uqlah goekdaez doekdingh aeu aen cidu cinjhawj baizuq guh goek haenx. Saedhengz yienghsaeh gyoebhab ceihleix gij huqfei baenzndaek. Gyarengz fuengzre gaemhanh fungyiemj vanzging, haeujlaeg doihawj ceihleix huquqlah moq. Laebndei gij cidu dingh biucinj、gamcaek、bingzgyaq caeuq gaujhaed swngldai vanzging.

Dingjmaenh doengbuenz baujhoh caeuq doxgyonj ceihleix bya raemx ndoeng naz huz nyw sa, caezcaemh doihawj gaiq hong hungnaek baujhoh caeuq coihdaw gij swngldai hidungj youqgaen. Soujmaenh diuz sienqhoengz baujhoh swngldai, cienzmienh doihawj hwnqguh aen diji gizdieg baujhoh swyenz aeu guekgya gunghyenz guhdaez, miz gonq miz laeng bae hwnq guekgya gunghyenz moq. Gyarengz baujhoh doenghdz doenghgo lai cung lai yiengh. Haiguh gaiq hong bingzguj swngldai baujhoh coihfuk guh ndaej baenzlawz yiengh. Gohyo mbeguh gaiq hong daih ndaem faex ndaem nyw, hoenx ndei ciengz ciengq haenqrengz gung roengz hangh gunghcwnghz “sam baek”. Gyarengz hwnqguh gaiqdang baujjang gij swngldai benqdieg Cingh Cang Gauhyenz daengj. Laebndei aen gihei lai yiengh boizbouj swngldai, yawj dieg dingh geiq lai miengloh hawj swngldai canjbinj canhciez. Caiq roengzrengz doxgyoeb ceihleix caeuq baujhoh gij swngldai doengh aen dah huz suiigu youqgaen. Saedhengz ndei Dahcangzgyangh cib bi mboujcinj dwkbya.

(46) **Gyavaiq laebguh aen diji nwnghyenz yienghmoq.** Laebdaeb gyalai cingzsoq bae gunghawj nwnghyenz moq, miz boubloh ancienz youh onjdangq aeu nwnghyenz moq bae lawh vasiz nwnghyenz, roengzrengz cauhaeb aen hidung denliz yienghmoq, dajcauh aen guekak nwnghyenz. Aeu rumz ndit raemx hwn doengh gij nwnghyenz neix lai yiengh caez yung, doengbuenz suenqveh dangdieg gag siu roxnaez soengq ok baihgrog, coihawj nwnghyenz cinghseuq ndeivaiq bae hwnghfat. Lai yungrengz cinghseuq yauqlwd sang bae yung vasiz nwnghyenz, doihawj gaiq hong gaijcauh swnggaep meizdienh caeuq lawhvuenh meizsanq. Cienzmienh daezswng gij suiyingz hawj denliz hidung doxbouj doxbang caeuq ancienz naihnanz, gohyoz baijbouh cou raemx cwkrom nwnghyenz, haenqrengz bae guh gij cwkrom nwnghyenz yienghmoq, gyavaiq hwnqguh cinwngz denvang caeuq denvang iqsaeg. Hawj gaiq gyaeyjyung nwnghyenz engq rox yung engq lai yung dengi, doinyoengx nwnghyenz siufeiq bienq loegsaek bienq danqnoix. Gyavaiq laebcaez gij gihei hawciengz caeuq gyaqcienz riengz aen diji nwnghyenz yienghmoq doxhab doxngamj haenx.

(47) **Hwnjheiq onjdangq doihawj caeuq guh daengz danqdaemxdingj.** Saedhengz aen cidu hanh aen cungsoq youh hanh yungsoq danq baizcuengq. Haeujlaeg gaijcauh mbaet nwnghz gyangq danq. Doinyoengx meizdan caeuq sizyouz siufeiq daemxdingj. Laebndei aen diji gyoebsueng haedsueng danq baizcuengq, onjdangq hengzguh gij cwnghcwz cidu deihfueng gaujhaed danq、hangznieb gaemhanh danq、giyez guenjieix danq、hanghmoeg bingzgyaq danq、canjbinj caz riz danq daengj. Fazcanj yiengh nwnghyenz faennda, hwnqguh gij gunghcang caeuq yenzgih lingz danq. Gyahung gyalai gij hawciengz gaicawx gienzbaidanq daengx guek, gyavaiq hwnqguh aen hawciengz ganyienh gaicawx gemjnoix baizcuengq heiq ranzraeu. Laebhwnj laebcaez aen diji yiengh biucinj loegsaek danqnoix, doinyoengx dazyinx laebndei caeuq doxciep doxnyinh gij biucinj gozci gveihcwz. Laebndei aen gunghcoz diji riengz ndaej hwnj dienheiq bienqvaq, gyaak yiengh bonjsaeh wngqdoiq dienheiq bienqvaq daegbied dwg gij mbwnheiq gig rwix.

(48) **Gyavaiq cauxbaenz yiengh swngchcanj swngghoz loegsaek.** Haeujlaeg doinyoengx faen gih guenjaed swngldai vanzging, lai caeuq gij gveihva gyanghoeng diegguek dox hamzciep, guhdoi gaijndei aen baijbouh canjnieb. Doinyoengx gunghyez、singz mbanj hwnqguh、gyaudoeng daehyinh、nwnghyenz daeng lingyiz youqgaen cienj baenz yiengh loegsaek danqnoix. Caezcienz aen cidu guenjieix cungliengh caeuq cienzmienh mbaetyung swhyenz, engq rox ciuq loih faen nyapnyaj caeuq bienqbaenz swhyenz bae yung, coicaenh yiengh ginghci baenqcieng de hwnghfat. Laebdaeb hwnqguh dieg sawguh swngldai vwnzmingz guekgya, hwnqguh aen gih doekgonq yiengh Cungguk gyaunde, dajcauh aen diegsang loegsaek hwnghfat. Doeksaed aeu gij cwnghcwz caizui、ginhyungz、douzsw、gyagwz、gohgi、vanzbauj bae coicaenh loegsaek danqnoix hwnghfat. Laebcaez aen gihei gikcoi loegsaek siufeiq, doigvangq yiengh swngghoz loegsaek danqnoix.

(cienj banj 9)